

月令七十二候贊序

昔蔡邕言。月令者。因天時制人事。所以效氣物。行王政也。古帝王研覈陰陽。順動四時。由四時分八節。由八節分二十四氣。由二十四氣分七十二候。立法漸爲周密矣。載籍之紀。莫古于夏小正。明堂月令。易通卦驗。呂氏春秋。淮南子。遞相祖述。互有異同。北魏始以七十二候。頒爲時令。隋馬顯之。景寅元術。唐初傳仁均之戊寅術。李淳風之麟德術。皆沿習踵行。至開元時。一行之大衍術出。不用魏隋相承之節候。專取汲冢周書以爲改從古義。宋史志因之。迨金史志改小滿末候。小暑至爲麥秋。至元史志復改立春末候。魚上冰爲魚陟負冰。小暑末候。鷹乃學習。爲鷹始摯。皆參取夏小正者也。又改雨水次候。鴻雁來爲候。雁北則參取易通卦驗。呂氏春秋。淮南子。而互用者也。至仲冬。麋角解經。我朝高宗純皇帝。目驗更定爲麋角解時。憲書遵紀之。是爲今定七十二候。戊申秋。余就養來粵。端居多暇。因每候各爲一贊。以紀天時。序人事。調氣物。遂王政。備太和。知洽云爾。道光己酉春。漢陽葉志詵識於粵東撫署之頤安室。

月令七十二候贊目錄

正月

東風解凍

蟄蟲始振

魚陟負冰

獺祭魚

候雁北

草木萌動

二月

桃始華

倉庚鳴

鷹化為鳩

元鳥至

雷乃發聲

始電

三月

桐始華

田鼠化為鴽

一 一 二 三 三 四 四 五 六 六 七 七 八 八

虹始見

萍始生

鳴鳩拂其羽

戴勝降于桑

四月

蚯蚓出

王瓜生

苦菜秀

靡草死

麥秋至

五月

螳螂生

鵙始鳴

反舌無聲

鹿角解

蜩始鳴

桐始華

九 〇 〇 一 一 二 二 三 四 四 五 五 七 七

半夏生.....一八

六月

溫風至.....一八

蟋蟀居壁.....一九

鷹始擊.....一九

腐州爲螢.....二〇

土潤溽暑.....二〇

大雨時行.....二一

七月

涼風至.....二一

白露降.....二二

寒蟬鳴.....二三

鷹乃祭鳥.....二三

天地始肅.....二四

禾乃登.....二四

八月

鴈雁來.....二五

元鳥歸.....二五

雀爲蜩始.....二六

雷始收聲.....二六

蟄蟲壞戶.....二七

水始涸.....二七

九月

鴻雁來賓.....二八

雀入大水爲蛤.....二八

鞠有黃華.....二九

豺乃祭獸.....三〇

草木黃落.....三〇

蟄蟲咸俯.....三一

十月

水始冰.....三一

地始凍.....三二

雉入大水爲蜃.....三二

虹藏不見.....三三

天氣上騰地氣下降.....三三

閉塞而成冬.....三四

十一月

鶡旦不鳴.....三四

虎始交	三五
荔挺出	三五
蚯蚓結	三六
麋角解	三六
水泉動	三七
十二月	

雁北鄉	三七
鵲始巢	三八
雉雊	三八
雞乳	三九
征鳥厲疾	四〇
水澤腹堅	四〇

月令七十二候贊

漢陽葉志詒撰贊

紹興裘韻初參校

東風解凍。

汲冢周書。立春文同。明堂月令。孟春文同。呂氏春秋。孟春文

同。解。東方木。木。火母也。火氣溫。故解凍。冰泮釋。淮南子。孟春文同。易通

卦驗。立春條。風冰解。雨水凍冰釋。禮正義條。風卽東風也。冰解卽解凍

也。夏小正正月時。有俊風。傳俊大也。南風也。解冰必於南風生。必於南

風故大之也。寒日滌凍塗。傳滌變也。變而燠也。凍塗者。凍下而澤上多

也。管子。日至六十日而陽凍釋。七十日而陰凍釋。

青萍翕習。候氣郊東。卿雲藹藹。曉日曈曈。冰棱渙釋。土脈融通。風人春德。

橐籥全功。

宋玉賦。風起於青萍之末。王延壽賦。祥風翕習以颯灑。夏竦詞。東郊候

氣。回音輅。陸機詩。藹藹卿雲被。李白詩。一聞雞唱曉。已見日曈曈。唐闕

名賦。斷流而接。接劍威。老子。渙兮若冰之將釋。韋應物詩。春陽土脈起。

任昉文。表裏融通。管子。春風風人。呂氏春秋。春之德風。張聿詩。應從橐

籥功。楊巨源詩。交泰讓全功。

蟄蟲始振。

汲冢周書。立春文同。明堂月令。孟春文同。疏。蟄蟲得陽氣初

始振動也。呂氏春秋。孟春文同。解。地蟄伏之蟲。乘陽始振動。蘇生也。淮

南子。孟春蟄蟲始振。蘇仲春蟄蟲咸動。蘇夏小正正月。啓蟄傳。始發蟄也。左傳。啓蟄而郊。禮注。蟄蟲昭蘇。昭曉也。蟄蟲以發出爲曉。更息曰蘇。禮疏。蟄蟲之類。皆埋藏其體。今復得活。似暗而遇曉也。

俛蟄冬餘。展舒春信。蠕動歧行。沙飛蓬振。屈以求信。退而知進。和氣吹噓。昭精騰奮。

周霆震詩。近郊俛藏蟄。魏略傳。董遇言。冬者歲之餘。爾雅疏。舒者展舒。徐緩有次也。劉克莊詩。春信分明到草廬。成公綏賦。歧行蠕動。鮑照賦。孤蓬自振。驚沙坐飛。易尺蠖之屈。以求信也。又知進而不知退。王起賦。念和氣以吹噓。文心雕龍。聲畫昭精。墨采騰奮。

魚陟負冰。夏小正正月。文同傳。陟升也。負冰言解蟄也。淮南子。孟春魚上負冰。易通卦驗。大雪魚負冰。註。上近冰也。汲冢周書。立春魚上冰。明堂月令。孟春魚上冰。疏。魚當盛寒之時。伏於水下。逐其溫暖。陽氣既上。魚遊於水上。呂氏春秋。孟春魚上冰解。鯉鮒之屬。應陽而動。上負冰也。潛淵知樂。迨泮春冰。釋辭重負。亨叶時升。罷行狐聽。稟操蠶登。噉啜游泳。瑩骨清棧。

詩箋。潛淵魚之性。寒則潛於淵。莊子。子非魚。安知魚之樂。詩。迨冰未泮。書。涉於春冰。穀梁傳。民如釋重負。易。柔以時升。又是以大亨。水經注。孟津。河冰始合。人不敢渡。要須狐行。此物善聽冰。拾遺記。員嶠山。有冰蠶。唐闕名賦。蠶東夏而稟操。禮。蠶事既登。王起賦。望噉啜而注目。范仲淹。

賦在淵游泳。韋應物詩。飲之瑩骨。今何所思。孟郊詩。清棱含冰漿。

鰓祭魚。汲冢周書。鰓蟄文同。易通卦驗。雨水文同。明堂月令。孟春文同。呂氏春秋。孟春文同解。鰓鱗水禽也。取鯉魚置水邊。四面陳之。世謂之祭魚。淮南子。孟春文同。夏小正正月。鰓獻祭魚。傳必與之。獻何也。非其類也。故謂之獻。大之也。祭也者。得多也。善其祭而後食之。爾雅翼。鰓歲嘗兩祭魚。

鰓爲淵鰓。奉鱗如祭。報本知時。薦新獻歲。隱豈蝦從。歆非蚪類。白鷺長飢。輸將莫逮。

孟子爲淵鰓魚者鰓也。劉禹錫詩。奉鱗望青天。左傳。承事如祭。王氏字說。鰓知報本反始。左傳。惟知時也。禮。薦新如朔奠。楚辭。獻歲發春。賈誼賦。鰓鰓以隱處。令。夫豈從蝦與蛭蟪。魏志傳注。蚪龍神於鰓。鰓自祭。其先不祭蚪龍也。左傳。神不歆非類。李羣玉詩。好魚輸鰓盡。白鷺鎮長飢。

候雁北。易通卦驗。鰓蟄文同。呂氏春秋。孟春文同。解。候時之雁。從彭蠡來。北過至北極之沙漠也。淮南子。孟春文同。註。是月時候之應。汲冢周書。鰓蟄鴻雁來。明堂月令。孟春鴻雁來。註。雁自南方將北反其居。正義。雁來有先後。後者二月始來。詩傳。大曰鴻。小曰雁。

遲遲玩景。歸晚恆常。參差協候。嘹唳隨陽。風嘶逐影。星共依光。追尋前侶。暫別江湘。

盧思道賦。玩陽景之遲遲。禮疏。雁北鄉有早晚。晚者驚蟄候。柳宗元文。動有恒常。李羣玉詩。參差天漢霧。周禮注。執雁取其候時而行。錢起詩。嘹唳獨南征。易林。隨陽休息。僧惠洪詩。邊風馬嘶北。拾遺記。驅光逐影。論語。譬如北辰。居其所而衆星共之。史記傳贊。依日月之末光。何遜文。追鳳蕭於前侶。成公綏賦。投江湘而中憩。

艸木萌動。汲冢周書。驚蟄文同。明堂月令。孟春文同。註。此陽氣蒸達可耕之候也。農書曰。土長冒橛。陳耕可拔。耕者急發。呂氏春秋。孟春艸木繁動。解。繁衆動挺而生也。說文。艸百卉也。从二艸木冒也。冒地而生。論衡。地性生艸。山性生木。博雅。萌始也。

麗土資生。漸苞春月。庶卉勾芒。陳根冒橛。野燒痕回。枯株穉發。曾惠風薰。流甘雨歇。

易。百穀艸木麗乎土。又。萬物資生。書。艸木漸苞。後漢書傳。庶卉蕃蕪。管子。艸木勾芒。古芒同萌蘇軾詩。盡放青青沒燒痕。易。枯楊生稊。左思賦。惠風

如薰。王筠碑。散馥流甘。

桃始華。汲冢周書。雨水文同。易通卦驗。春分文同。明堂月令。仲春文同。

呂氏春秋。仲春桃李華。解。桃李之屬。皆舒華也。淮南子。仲春桃李始華。注。桃李於是皆秀華也。夏小正正月。梅杏桃李則華。傳。桃李山桃也。

交臨大壯。桃著穠華。酡顏散旭。錦浪蒸霞。緣溪遠近。滿縣周遮。天天灼灼。季女宜家。

易通卦驗。大壯初九。桃始華。詩。何彼穠矣。華如桃李。皮日休賦。玉顏半
酡。馮琦詩。漸入千枝散朝旭。李白詩。夾岸桃李華。錦浪生。韓愈詩。川源遠
近。蒸紅霞。陶潛記。武陵人。緣溪行。忘路之遠近。忽逢桃花林。夾岸數百
步。晉書傳。潘岳爲河陽令。栽桃李。號河陽滿縣花。元稹詩。濯錦莫周遮。
詩。桃之夭夭。灼灼其華。易林。春桃生華。季女宜家。

倉庚鳴。汲冢周書。雨水文同。明堂月令。仲春文同。呂氏春秋。仲春。蒼庚
鳴。解爾雅。商庚。黎黃。楚雀也。齊人謂之搏黍。秦人謂之黃離。幽冀謂之
黃鳥。詩云。黃鳥于飛。淮南子。仲春蒼庚鳴。注。一說斲木也。至此月而鳴。
夏小正。二月。有鳴倉庚。傳。倉庚者。商庚也。商庚長股也。易通卦驗。雨水
鷦鷯鳴。禮。正義。通卦驗。是正月候。國土各異。氣有早晚。說文。倉庚鳴則
蠶生。埤雅。倉庚鳴於仲春。其羽之鮮明。在夏。倉庚知分陽氣分。而鳴可
蠶之候也。

最好音聲。流鶯乍見。梭織雙飛。簫調百轉。求友懷同。遷喬尋偏。斗酒閒攜。
花開柳綻。

梅堯臣詩。最好音聲最好聽。劉孝孫詩。流鶯拂繡羽。唐闕名詩。鶯擲金
梭織柳絲。詩疏。黃鳥性好雙飛。李白詩。暖入鶯簧舌。漸調。司空曙詩。百
轉相尋續。詩。求其友聲。儲光羲詩。同聲既求友。不肖亦懷賢。詩。遷于喬
木。楊巨源詩。玉洞花尋偏。世說。戴仲若。春日攜斗酒雙柑。聽黃鸝聲。陸
晨詩。報花開瑞錦。催柳綻黃金。

鷹化爲鳩。汲冢周書。雨水文同。明堂月令。仲春文同。呂氏春秋。仲春文同。解。喙正直不摯擊也。淮南子。仲春文同。注。鳩謂布穀也。夏小正正月。鷹則爲鳩。傳。鷹也者。其殺之時也。鳩也者。非其殺之時也。善變而之仁也。曰則盡其辭也。

鷹鳩同氣。變化剛柔。機藏角弭。嘉愛容修。聽聲慈念。識目憎留。鵲巢安穩。守拙何求。

本艸綱目。鷹以鷹擊。與鳩同氣。鷹化。易。剛柔相推。而生變化。埤雅。鷹捕則角弭。藏殺機也。阮籍賦。嘉七子之修容。聽聲考祥篇。鳩聲慈念。世說。蘇峻曰。陽和布德。鷹化爲鳩。至于識者。猶憎其目。方言。鳩不善營巢。取鵲巢居之。雖拙而安處也。駱賓王詩。守拙異懷安。詩。亦又何求。

元鳥至。汲冢周書。春分文同。明堂月令。仲春文同。注。燕以施生時來巢。入堂宇而孚乳。呂氏春秋。仲春文同。解。元鳥。燕也。春分而來。傳曰。元鳥氏。司啓者也。易通卦驗。清明元鳥來。註。元鳥隨炁和而至。夏小正二月來降。燕乃睇。傳。燕乙也。降也者。下也。言來者。莫能見其始出也。故曰。來降。睇者。睇也。視可爲室者也。百鳥皆曰巢。室穴也。操泥而就入人家內也。

忽聽呢喃。陽和清晝。泥濕銜新。巢痕認舊。比翼雙棲。羣雛均戲。祝祀高禰。玉筐寶覆。

貢師泰詩。一雙巢燕自呢喃。王維詩。是時陽和節。清晝未爲喧。魚幼微

詩。濕背銜泥燕。李商隱詩。安巢復舊痕。江總詩。迎春比翼燕。沈佺期詩。海燕雙棲玳瑁梁。楊慎詩。雖生八九子。盧諶賦。孕子轂之嚶嚶。銓先後而均哺。禮。元鳥至以太牢祀于高謀。呂氏春秋。有城氏二女。搏燕覆以玉筐。李嶠表。荷圓穹之寶覆。

雷乃發聲。汲冢周書。春分文同。明堂月令。仲春文同。疏。雷是陽氣之聲。將上與陰相衝。呂氏春秋。仲春文同。解。冬陰閉固。陽伏於下。是月陽升。雷始發聲。震氣爲雷。淮南子。仲春雷始發聲。易通卦驗。驚蟄雷。註。雷者電之光。雷有光而未發聲。春分雷雨行。註。雷雨所以解釋孚甲。清明雷鳴雨下。釋名。雷者如轉。物有所振。雷之餘聲也。說文。霆雷餘聲。鈴鈴。所以挺出萬物也。

陰陽相薄。百里驚雷。宮音奮作。震位昭回。鼓鐘象寫。桃李顏開。託雲蒼鬱。送雨喧阗。

穀梁傳。陰陽相薄。感而爲雷。易。震驚百里。張衡賦。凌驚雷之疏磴。令。春秋繁露。其音宮也。故應之以雷。漢書敘傳。春雷奮作。易。旂雷震。說文。雷從雨。鼙。聲象回轉形。詩。昭回于天。文子。雷霆之聲。可以鐘鼓寫也。陸游詩。桃李一笑韶顏開。漢書志。雷當託於雲。李容賦。乘雲氣之鬱蒼。杜甫詩。雷聲忽送千峯雨。周權詩。晝夜怒激聲喧阗。

始電。汲冢周書。春分文同。明堂月令。仲春文同。疏。電。陽光。陽微則光不見。陽氣盛以擊於陰。其光乃見。呂氏春秋。仲春文同。解。激氣爲電。易通

卦驗。立夏電見。釋名。電殄也。乍見則殄滅也。說文。電陰陽激耀也。從雨申聲。易。稽覽圖。陰陽和合爲電。輝輝也。其光長。

威備豐隆。激奔列缺。銀綫斜飛。金蛇頓掣。淬劍芒寒。鳴騶影絕。天笑霏霏。繞樞精微。

易疏。雷電皆至。威明備足。以爲豐也。皮日休賦。叱豐隆。漢書傳注。列缺。天閃也。韓偓詩。雲脚飛銀綫。蘇軾詩。電光時掣紫金蛇。古今注。吳有寶劍。曰紫電。虞集詩。淬劍隨龍化。劉禹錫賦。芒寒色正。范成大詩。鳴騶如電馬。如雷。張正見詩。影絕乾河上。陸龜蒙詩。笑電霏霏作。天喜河圖。握拒起大電。繞樞。陸雲文。精微毫芒。

桐始華。汲冢周書。穀雨文同。明堂月令。季春文同。呂氏春秋。季春文同。解。是月生葉。故曰始華。淮南子。季春文同。夏小正。三月拂桐葩。傳。拂也者。桐葩之時也。或曰。言桐葩始生兒拂拂然也。

桐生茂豫。黃蓍先榮。拂烏粉墜。棲鳳枝橫。月微香薄。井潤陰清。風來韻發。如叩瓊瑛。

漢書志。桐生茂豫。靡有所訛。羣芳譚。開嫩黃小花如棗花。齊民要術。木之榮者多矣。獨桐名榮者。桐以三月華。梁簡文帝樂府。朝花拂曙烏。高啓詩。晴粉朝英墜。魏彥深詩。枝橫待鳳棲。元稹詩。微月照桐華。風清暗香薄。李頎詩。清陰潤井花。白居易詩。爲君發清韻。風來如叩瓊。

田鼠化爲鴛。汲冢周書。穀雨文同。明堂月令。季春文同。疏。反歸舊形。謂

之化。能生非類曰化。易通卦驗。穀雨文同注。麋母也。呂氏春秋。季春文同解。鰥鼠也。鴛鴦也。青州謂之鴛母。周維謂之鴛。幽州謂之鴛。淮南子。季春文同注。田鼠。鰥鼠也。鴛鴦也。夏小正三月。田鼠化爲鴛。傳。鴛鵒也。變而之善。故盡其辭也。

穴豈同居。化滋他族。善變宵飛。性存晝伏。捕避貓迎。蒸濡蓼穉。魚躍蛙鳴。趨時並育。

書。鳥鼠同穴。左傳。無滋他族。禽經。鴛宵則羣飛。晝則羣伏。左傳。夫鼠晝伏夜動。禮。迎貓爲其食田鼠也。又鴛鵒之蓼。夢溪筆談。或有魚所化者。魚鱗蟲龍類火之所自生也。列子。蛙變爲鴛。易。變通者。趨時者也。禮。萬物並育而不相害。

虹始見。汲冢周書。穀雨文同。明堂月令。季春文同。疏。虹陰陽交會之氣。純陰純陽不見雲薄漏日。日照雨滴則生。呂氏春秋。季春文同。解。虹。蟠蜺也。兗州謂之虹。淮南子。季春文同。注。詩云。蟠蜺在東。莫之敢指。輕虹雙見。表裏含章。占分風雨。交感陰陽。冠峯窈窕。飲澗低昂。德伴玉氣。瑞叶金光。

王筠詩。細雨帶輕虹。碑雅。虹常雙見。閭朝隱賦。表裏冲融。易。含章可貞。藝林。伐山水虹主雨。風。虹主風。春秋。元命苞。陰陽交爲虹霓。江淹詩。雄虹冠尖峯。蘇味道詩。窈窕戾天濤。王胄詩。殘虹低飲澗。閭朝隱賦。低昂殊狀。禮。比德於玉焉。氣如白虹。蘇味道詩。神光藻瑞金。

萍始生。汲冢周書。清明文同。明堂月令。季春文同。呂氏春秋。季春文同。解。萍。水藻也。是月始生。淮南子。季春文同。夏小正。七月。潢潦生。萍。傳。潢下處也。有潢然後有潦。有潦而後有苹。草也。爾雅註。江東謂之藻。周禮註。以不沈溺取名。

浮似菱根。宿因柳絮。的皪星熒。低平罽布。影比形均。雨驕風妒。行潦滄溟。逍遙隨遇。

杜恕論。萍與菱之浮相似也。馬臻詩。如酬宿昔因。羣芳譜。楊花入水所化。楊基詩。的皪似星出。劉繪詩。能逐水低平。陸龜蒙詩。重疊侵沙綠。罽成。趙昂賦。殊源比影。異沼均形。夏茂卿賦。雨驕風妒。趙昂賦。行潦豈小於滄溟。常袞賦。可以明逍遙之意。蘇彥賦。亦隨遇而靡拘。

鳴鳩拂其羽。汲冢周書。清明文同。明堂月令。季春文同。注。飛且翼相擊。趨。農急也。呂氏春秋。季春文同。解。鳴鳩。斑鳩也。是月拂擊其羽。直刺上飛。數十丈。乃復者是也。淮南子。季春。鳴鳩奮其羽。注。鳴鳩奮迅其羽。直刺上飛入雲中者是也。夏小正。三月。鳴鳩。傳。言始相命也。先鳴而後鳩何也。鳩者。鳴而後知其爲鳩。

鳩羣擊翼。拍拍相呼。珠班雨浴。錦毳風梳。勸嘗春酒。催種新畝。同憐百舌。飛棟相於。

韓愈詩。拍拍不得離。儲光義詩。時鳥自相呼。本艸綱目。鳩斑如珍珠者。身大能鳴。張邦奇詩。鳩性愛雨。花愛晴。元稹詩。毛衣軟毳。心性柔。王維

詩。石髮任風梳。劉基詩。勃鳩屋上鳴。勸我嘗春酒。杜甫詩。布穀處處催春種。詩。如何新畬。元稹詩。春鳩與百舌。同得春風憐。曹植詩。春鳩鳴飛棟。杜甫詩。良友幸相於。

戴勝降于桑。汲冢周書。清明文同。明堂月令。季春文同。注。織紉之鳥。是時恆在桑。言降者。若時自天來重之也。呂氏春秋。季春戴任降于桑。解。戴任戴勝鳴也。爾雅曰。鷦鷯部生于桑。是月其子彊飛。從桑空中來下。淮南子。季春戴鷽降于桑。注。戴鷽戴勝鳥也。詩曰。鷽鷽在桑。其子在梅是也。

來降因時。柔桑綠燦。繡羽風翔。花冠旭散。候屆蠶眠。忙趣屬喚。紅織程功。春歸節換。

大戴禮。莫能見其始出也。故曰來降。易。因其時而惕。詩。爰求柔桑。古樂府。春桑正含綠。張何詩。映日花冠動。迎風繡羽開。阮籍詩。逍遙順風翔。王逢詩。紅旭散花房。庚信詩。原蠶始更眠。左傳註。桑屬竊脂爲蠶。驅雀者也。禮。程功積事。歐陽修詩。明日酒醒春已歸。司空曙詩。東風催節換。蠶鳴。汲冢周書。立夏文同。明堂月令。孟夏文同。注。蛙也。呂氏春秋。孟夏文同。解。蝦蟆也。是月陰氣動於下。故陰類鳴。淮南子。孟夏文同。注。蠶螻蛄蝦蟆也。四月陰氣始動於下。故鳴。易通卦驗。小滿螻蛄鳴。夏小正三月。蟄則鳴。傳。天螻也。

陰萌氣動。螻蛄肩隨。鳴占雄牡。聲雜官私。技窮夜燿。更聽晨曦。呼吸風土。

快樂陂池。

月令章句。螻蛄蝦蟆。四月陰氣始動於下。二物應之而鳴。禮則肩隨之。爾雅正義。雄者善鳴。善飛。中州記。晉惠帝聞蛙聲。問左右曰。此鳴爲官乎。爲私乎。荀子。梧鼠別名五技而窮。圖經本艸。螻蛄穴地而生。夜則出外求食。豹隱紀談。內樓五更畢。梆鼓交作。謂之蟆更。本艸綱目。吸食風土。喜近燈光。白居易詩。快樂無以加。班固賦。陂池交屬。

蚯蚓出。汲冢周書。立夏文同。易通卦驗。芒種文同。注。舊說。蚯蚓淫邪。明堂月令。孟夏文同。呂氏春秋。孟夏文同。解。蚓從土中出。淮南子。孟夏邱蟄出。

聚蟻階隙。陰晴相屬。質謝雲升。食安壤沃。竅作蠅聲。蟠同鱗曲。異類雌雄。蠡斯躡躅。

梅堯臣詩。聚蟻登階隙。本艸綱目。陰則先出。晴則夜鳴。新論。雲霧雖密。蟻蚓不能升者。無其質也。孟子。上食稿壤。水經注。水豐壤沃。蘇軾詩。蚯蚓竅作蒼蠅聲。東方虬賦。乍逶迤而鱗曲。物類相感志。阜螽與蚯蚓。異類而爲雌雄。蚯蚓鳴則阜螽跳躍。

王瓜生。汲冢周書。立夏文同。明堂月令。孟夏文同。注。葦挈也。爾雅。黃菟瓜。集說。謂之瓜者。以根之似也。色赤感火之色。淮南子。孟夏文同。注。王瓜。枯樓也。呂氏春秋。孟夏王菩生。解。菩或作瓜。瓠蘗也。是月乃生。夏小正四月。王荳秀。唐本艸。四月生苗。延蔓似枯樓。五月開黃花。花下結子。

如彈丸。生青熟赤。根似葛而細多糝。謂之土瓜根。

連根王蕒。種亦呼瓜。碧鬚引蔓。黃簇數華。蒺藜種別。芴菲名譁。漸垂赤雹。紛噪羣鴉。

本艸衍義。王瓜細根上又生淡黃根。三五相連。禮注。一名王蕒。神農本草。一名土瓜。羣芳譜。其蔓多鬚。開小黃花成簇。爾雅注。蒺藜亦名土瓜。芴菲亦謂之土瓜。異類同名。本艸綱目。瓜似雹子。熟則色赤。故俗名赤雹子。鴉喜食之。圖經。又名老鴉瓜也。杜甫詩。野鴉無意緒。鳴噪自紛紛。苦菜秀。汲冢周書。小滿文同。明堂月令。孟夏文同。集說。苦菜味苦。感火之味而成。呂氏春秋。孟夏文同。解。爾雅云。不榮而實曰秀。榮而不實曰英。苦菜當言英也。淮南子。孟夏文同。注。苦菜當言榮也。唐本艸。苦菜生於寒秋。經冬歷春得夏乃成。一名游冬。葉似苦苣而細。斷之有白汁。花黃似菊。

赤白根分。秀逢夏永。花颺毛茸。葉森叉挺。細搗香蘂。熟蒸滑餅。折忌飛蛾。誤疑植茗。

王令詩。晝日差夏永。本艸綱目。苦菜有赤莖白莖二種。每葉分叉。攢挺如穿葉狀。開黃花。花罷收斂。子上有白毛茸茸。隨風落處卽生。黃正色詩。杜撰人閒苦蕒蘂。兼明書。煮去苦味。和米粉作餅食之。食性本艸。蠶蛾出時不可折。令蛾敗。唐本艸。陶宏景言。苦菜疑卽茗。茗一名茶蘇。恭按。茗乃木類。與此全別。陶說誤矣。白居易記。飛泉植茗。